


儀禮

冊三

18



儀禮卷六

漢大司農北海鄭玄註

明後學東吳葛蘄訂

燕禮第六

燕禮

小臣戒與者

小臣相君若燕飲之法戒與者謂留羣臣也君以燕禮勞使臣若臣有功故與羣臣樂之小臣則警戒

告語焉飲酒以合會為歡也○與音預相息亮反勞力報反使所吏反樂音洛

膳宰具官饌于寢東

膳宰天子曰膳夫掌君飲食膳羞者也具官饌具其官之所饌謂酒也牲也脯醢也寢路寢

樂人縣。

縣鍾磬也。國君無故不徹縣。宮縣者。爲燕新之。○縣音玄。爲于僞反。

設洗篚于阼階東南。當東霗。壘水在東。篚在洗西南。肆。設膳篚在其北西面。

設此不言其官。賤也。當東霗者。人君爲殿屋也。亦南北以堂深肆陳也。膳篚者。君象觚所饌也。亦南陳言西面尊之。異其文。○霗音孤。

司宮尊于東楹之西。兩方壺。左玄酒。南上。公尊瓦大兩。有豐。冪用綌。若錫。在尊南。南上。尊士旅食于門西。兩圓壺。

司宮。天子曰小宰。聽酒人之成要者也。尊方壺爲卿大夫士也。臣道直方。於東楹之西。予君專此酒。

也。玉藻曰：唯君面尊。玄酒在南，順君之面也。瓦大

尊，大器用，綌若錫。冬夏異也。在尊南，在方壺之南也。

食謂未得正祿，所謂庶人在官者也。今文錫

司宮筵賓于戶西東上，無加席也。

筵，席也。席用蒲。筵，緇布，純無加。席，燕私禮臣屈也。

射人告具。

此告事具於君射人也。主

小臣設公席于阼階上，西鄉。設加席，公升即位于席。

西鄉。

周禮：諸侯酢，席莞筵，紛純加纁。席畫純，後設公席

作音荒
官音早

小臣納卿大夫。卿大夫皆入門右。北面東上。士立于西方。東面北上。祝史立于門東。北面東上。小臣師一人。在東堂下南面。士旅食者立于門西東上。

納者以公命引而入也。自士以下從而入。卽位耳。師長也。小臣之長一人。猶天子大僕正君之服位。

者也。凡入門而右由闈東。左則由闈西。○長丁丈。反大音泰。闈魚列反。闈

公降立于阼階之東南。南鄉爾卿。卿西面北上。爾大夫大夫皆少進。

爾近也。移也。揖而移之近之也。大夫猶北面少前。

射人請賓。

命當由君出也。

公曰。命某爲賓。

某大

射人。命賓。賓少進。禮辭。

命賓者。東面南顧。禮辭。辭不敏也。

反命。

射人以賓之辭告於君。

又命之。賓再拜稽首。許諾。

又復。

射人反命。

告賓
許賓

賓出立于門外東面。

當更以
賓禮入

公揖卿大夫乃升就席。

揖之人
之也

小臣自阼階下北面請執冪者與羞膳者。

執冪者執瓦大之冪也方圓
壺無冪羞膳羞於公謂庶羞

乃命執冪者執冪者升自西階立于尊南北面東上。

以公命於西階前命之也東上玄酒之冪爲上也
羞膳者從而東由堂東升自北階房中西面南上

不言之者不
升堂略之也

膳宰請羞于諸公卿者。

小臣不請而使膳宰於卑者彌略也。禮以異爲敬。

射人納賓。

射人爲擯者也。今文曰擯者。

賓入及庭。公降一等揖之。

及至也。至庭謂旣入而左北面時。

公升就席。

以其將與主人爲禮不參之也。

賓升自西階。主人亦升自西階。賓右北面。至再拜。賓

答再拜。

主人宰夫也。宰夫大宰之屬。掌賓客之獻。飲食者也。其位在洗北西面。君於其臣。雖為賓。不親獻。以其尊莫敢伉禮也。至再拜者。拜賓來至也。天子膳夫為獻主。

主人降洗。洗南西北面。

賓將從降鄉之

賓降階西東面。主人辭降。賓對。

對答

主人北面盥。坐取觚洗。賓少進。辭洗。主人坐奠觚于篚。興對。賓反位。

賓少進者。又辭宜違其位也。獻不以爵。辟正主也。古文觚皆為觶。○辟音避。觶章致反。

主人卒洗。賓揖乃升。

賓每先升尊也。

主人升賓拜洗。主人賓右奠觚答拜降盥。

主人復盥爲拜手。坩塵也。○坩步圀反。

賓降。主人辭賓對。卒盥。賓揖升。主人升坐取觚。

取觚將就瓦大酌膳。

執冪者舉冪。主人酌膳。執冪者反冪。

君物曰膳。膳之言善也。酌君尊者尊賓也。

主人筵前獻賓。賓西階上拜。筵前受爵反位。主人賓

右拜送爵。

賓既拜前受觚退復位。

膳宰薦脯醢賓升筵膳宰設折俎

折俎牲體骨也鄉飲酒
記曰賓俎脊脅肩肺

賓坐左執爵右祭脯醢奠爵于薦右興取肺坐絕祭
齊之興加于俎坐挽手執爵遂祭酒興席末坐啐酒
降席坐奠爵拜告旨執爵興主人答拜

降席席西也旨美也○齊才
計反挽始銳反啐七內反

賓西階上北面坐卒爵興坐奠爵遂拜主人答拜

遂拜拜
既爵也

賓以虛爵降

將醉
主人

主人降。賓洗南坐奠觚。少進辭降。主人東面對。

上既言爵矣。復言觚者。嫌易之也。大射禮曰。主人西階西。東面少進對。今文從此以下。觚皆爲爵。

賓坐取觚。奠于篚下。盥洗。

篚下。篚南。

主人辭洗。

謙也。今文無洗。

賓坐奠觚于篚。興對。卒洗。及階揖升。主人升拜洗如賓禮。賓降盥。主人降。賓辭降。卒盥揖升酌膳。執冪如初。以酢主人于西階上。主人北面拜受爵。賓主人之左拜送爵。

賓賓既南面授爵乃之左

主人坐祭不啐酒。

辟正主也。未薦者臣也。

不拜酒。不告旨。

主人之義。

遂卒爵興。坐奠爵拜。執爵興。賓答拜。主人不崇酒。以虛爵降奠于篚。

崇充也。不以酒惡謝賓甘美君物也。

賓降立于西階西。

主既受獻矣。不敢安盛。

射人升賓。賓升立于序內東面。答拜。

東西牆謂之序。大射禮曰。擯者以命升賓。

主人盥洗象觚。升賓之東北面。獻于公。

象觚。觚有象骨飾也。取象觚者。東面。

公拜受爵。主人降自西階。阼階下北面。拜送爵。士薦

脯醢。膳宰設折俎。升自西階。公答拜。主人入奠。覆于

薦。進也。大射禮曰。宰胥薦脯醢。由左房。

公祭如賓禮。膳宰贊授肺。不拜酒。立卒爵。坐奠爵。拜。

執爵興。

凡異者。君尊變於賓也。

主人答拜。升受爵以降奠于膳簋。

更爵洗升酌膳酒以降酢于阼階下北面坐奠爵再拜稽首。公答再拜。

更爵者不敢襲至尊也。古文更為受。

主人坐祭。遂卒爵再拜稽首。公答再拜。主人奠爵于

簋。

主人盥洗升。媵觚于賓。酌散西階上坐奠爵拜賓。賓

降筵北面答拜。

媵送也。讀或為揚。揚舉也。酌散者酌方壺酒也。於膳為散。今文媵皆作騰。○媵以證反。

主人坐祭。遂飲賓辭。卒爵拜。賓答拜。

辭者。辭其代君行酒。不立。飲也。此降於正主。酬也。

主人降洗賓降主人辭降賓辭洗卒洗揖升不拜洗

不拜洗。酬而禮。殺。殺所界反。

主人酌膳賓西階上拜

拜者。拜其酌也。

受爵于筵前反位主人拜送爵賓升席坐祭酒遂奠

于薦東

遂者。因坐而奠。不北面也。奠之者。酬不舉也。

主人降復位賓降筵西東南面立

賓不立於序內。位彌尊也。位彌尊者。其體彌卑。記所謂一張一弛者是之類與。